

---

# Sifat-Sifat Tuhan

*(Asas-Asas Doktrin Kristian)*

**Evelyn Tan Hwee Yong**

Upstream Publishing

---

Siri Pokok



Iman Kristian

## **Sifat-Sifat Tuhan (Asas-Asas Doktrin Kristian)**

hakcipta@Tan Hwee Yong

Penulis: Tan Hwee Yong

Pelukis kulit: Kee Hup Thong

Foto Kulit: Pastor Lam Kee Hing

Ayat-ayat Alkitab diambil daripada Alkitab yang diterbitkan oleh Lembaga Alkitab Indonesia 2010, dan diubahsuaikan ke dalam Bahasa Malaysia, khusus ejaannya. Hakcipta terlindung undang-undang.

Hakcipta terpelihara dan tidak dibenarkan mengeluarkan mana-mana bahagian bab, isi kandungan, buku ini dengan apa jua bentuk dan dengan cara apapun, sama ada elektronik, fotokopi, mekanik, rakaman atau lain-lain, sebelum mendapat izin bertulis daripada Upstream Publishing.

Diterbitkan oleh  
Upstream Publishing  
C703 Block C, Perdana Condo  
PJU 8/1, Damansara Perdana  
47820, Petaling Jaya, Selangor.

[hweeyong@yahoo.com](mailto:hweeyong@yahoo.com)  
Facebook: Tan Hwee Yong  
Facebook: Upstream

ISBN: 978-967-11065-6-3

Dicetakkan oleh  
JESS CONCEPT  
No. 20-0-8 Jalan 1/108C  
Taman Sg. Besi  
57100 Kuala Lumpur

# Kandungan

Peninjauan Ikhtisar Buku Ini	4
Pelajaran 1 Sifat-Sifat Allah	7
Pelajaran 2 Apakah Ertinya Allah Kudus?	15
Pelajaran 3 Apakah Ertinya Kebenaran Allah?	25
Pelajaran 4 Apakah Ertinya Allah Penyayang?	33
Pelajaran 5 Apakah Ertinya Allah Baik?	39
Pelajaran 6 Apakah Ertinya Allah Bijaksana?	45
Pelajaran 7 Apakah Ertinya Allah Maha Tahu?	51
Pelajaran 8 Apakah Ertinya Allah Kekal Dan Tidak Berubah	57
Pelajaran 9 Apakah Ertinya Allah Maha Kuasa?	65
Pelajaran 10 Apakah Ertinya Allah Maha Esa dan Maha Hadir?	71
Bibliografi	78

## Peninjauan Ikhtisar Buku Ini

Buku Sifat-Sifat Tuhan ialah buku pertama seri buku Pokok Iman Kristian yang bertujuan menolong jemaah Kristian memahami doktrin Kristian secara teratur. Orang Kristian yang belum menerima bimbingan doktrin Kristian yang kukuh boleh menggunakan buku ini untuk mendewasakan iman. Pemimpin-pemimpin pun boleh menggunakan buku ini dan mengajarnya kelompok kecil.

Buku ini dibentangkan dalam rangka yang mudah difahami:

- a. Penjelasan sifat Allah tertentu yang ingin diselidiki dalam pelajaran itu. Bahagian ini sebenarnya pendahuluan yang bertujuan menolong pembaca-pembaca memahami tema yang ingin dibincangkan.
- b. Bahagian Kedua, Permata-Permatanya yang sebenarnya pokok-pokok penjelasan tentang sifat Allah yang didasari firman Allah.
- c. Bahagian Ketiga, Saat Berbincang menyediakan soalan-soalan yang boleh menolong anda membimbing kelompok anda. Jawapan tidak disediakan kerana kalau anda meneliti ajaran-ajaran dalam pelajaran itu, jawapan dapat diperoleh. Kalau anda ingin membimbing satu kelompok, anda mesti menyiapkan diri dan mencari jawapannya.

Puji syukur kepada Allah kita atas hikmat-Nya yang menjulang setinggi awan dan mendalam ke dasar lautan. “O, alangkah dalamnya kekayaan, hikmat dan pengetahuan Allah! Sungguh tak terselidiki keputusan-keputusan-Nya dan sungguh tak terselami jalan-jalan-Nya...Sebab segala sesuatu adalah daripada Dia, dan oleh Dia, dan kepada Dia: Bagi Dialah kemuliaan sampai selama-lamanya!” (Roma 11-33-36)

Kiranya Allah menyingkap segala permata mengenai Diri-Nya dan keberadaan-Nya yang istimewa dan luarbiasa kepada anda!

*Evelyn Tan Hwee Yong*  
*July 2012*



# PELAJARAN 1

---

## *Sifat-Sifat Allah*

Sifat-sifat Allah tidak boleh difahami sebagai bahagian-bahagian yang terpisah tetapi harus difahami dengan pendekatan yang mengambil pertimbangan semua sifat-Nya yang menyeluruh. Sekalipun sifat-sifat Allah dijelaskan seperti pelbagai bahagian berbeza, kita perlu memahami keagungan dan kemuliaan Allah perlu dilihat daripada pelbagai sudut namun sebagai satu yang seutuhnya.

Sekalipun manusia diciptakan dalam gambaran Allah, manusia tetap tidak memiliki sifat-sifat Allah yang tertentu. Allah itu Maha Hadir, manusia tidak Maha Hadir; Allah Maha Tahu, penuh Hikmat tetapi pengetahuan manusia hanya terbatas. Allah Maha Kuasa, kekuatan manusia cukup terbatas dan tidak berasal daripada diri sendiri.

Alkitab memberi penjelasan paling bermakna tentang sifat-sifat Tuhan. “Alkitab tidak pernah menjelaskan konsep abstrak tetapi sebaliknya Allah menjalin perhubungan dengan umat-Nya dan menggambarkan pelbagai sifat-Nya.”<sup>1</sup> Contohnya sifat Maha Penyayang dan Maha Tahu boleh dilihat dalam kehidupan Yusuf. “Ketika Dia mendatangkan kelaparan ke atas negeri itu, dan menghancurkan seluruh

persediaan makanan, diutus-Nyalah seorang mendahului mereka: Yusuf, yang dijual menjadi budak.” (Mazmur 105:16-17)

Pengertian sifat-sifat Allah sering mengakibatkan penyembahan dan pemujaan yang mendalam. Kitab Mazmur menceritakan pengertian mendalam para pemazmur akan sifat-sifat Allah dan persekutuan yang intim dengan-Nya. Pemazmur yang sadar akan Allah yang Maha Tahu berseru, “Sebab sebelum lidahku mengeluarkan perkataan, sesungguhnya, semuanya telah Kauketahui, ya TUHAN” (Mazmur 139:4).

## Siapakah Allah?

Alkitab tidak memberi satu definisi tentang Allah.

### 1. Allah itu Roh

“Allah itu Roh: tidak kelihatan, tidak berubah, tidak bertubuh, berperibadi, Maha Besar, pemberi hidup dan berkuasa mutlak.”<sup>2</sup> “Allah itu Roh, tiada batasnya, kekal, dan tidak berubah dalam keberadaan-Nya, kebijaksanaan-Nya, keadilan-Nya, dan kebenaran-Nya.”<sup>3</sup>

Tuhan Yesus dalam percakapan dengan wanita Samaria bersabda, “Allah itu Roh dan barangsiapa menyembah Dia, harus menyembah-Nya dalam roh dan kebenaran” (Yohanes 4:24). Allah sebagai Roh berlainan daripada roh-roh yang lain, dan Dia jauh berbeza daripada ciptaan lain. Alkitab juga berkata malaikat-malaikat

adalah roh-roh tetapi berlainan daripada Allah sebagai Roh (Ibrani 1:14). Westminster Larger Catechism mengatakan:

“Allah kita Roh. Dia tidak terbatas dalam keberadaan, kemuliaan, kebahagiaan, dan kesempurnaan; cukup semuanya, kekal, tidak berubah, hadir di mana-mana, Maha Kuasa, Maha Tahu, Maha Bijaksana, Maha Suci, Maha Adil, Maha Penyayang, panjang sabar, dan berkelimpahan dengan kebaikan dan kebenarannya.”

## **2. Kita Tidak Boleh Membuat Patung Menyerupai Allah**

Allah yang bersabda kepada umat-Nya di Horeb tidak mengambil rupa apa pun. Dengan tegas, umat manusia diperintahkan agar tidak membuat patung atau berhala bagi melambangkan Allah. Musa memberi perintah:

“Hati-hatilah sekali-sebab kamu tidak melihat sesuatu rupa pada hari TUHAN berfirman kepadamu di Horeb dari tengah-tengah api-supaya jangan kamu berlaku busuk dengan membuat bagimu patung yang menyerupai berhala apa pun; yang berbentuk laki-laki atau perempuan;” (Ulangan 4:15-16).

“Jangan membuat bagimu patung yang menyerupai apa pun yang ada di langit di atas, atau yang ada di bumi di bawah, atau yang ada di dalam air di bawah bumi” (Keluaran 20:4).

### 3. Allah Mempunyai Peribadi

Allah merupakan roh yang berperibadi. Allah menyatakan Diri-Nya kepada Musa:

“Firman Allah kepada Musa: AKU ADALAH AKU.” Beginilah Allah memperkenalkan Diri-Nya kepada Musa dan umat Allah, “Selanjutnya berfirmanlah Allah kepada Musa: “Beginilah kaukatakan kepada orang Israel: TUHAN. Allah nenek moyangmu, Allah Abraham, Allah Ishak dan Yakub, telah menampakkan diri kepadaku: Itulah nama-Ku untuk selama-lamanya dan itulah sebutan-Ku turun temurun” (Keluaran 3:15).

Dalam Tuhan Yesus wujud seluruh kepenuhan Allah. “Sebab dalam Dialah berdiam secara jasmaniah seluruh kepenuhan ke-Allahan” (Kolose 1:9). Tuhan Yesus memberi kita keperibadian yang harus diteladani oleh kita. Rasul Paulus menasihati:

“Hendaklah kamu dalam hidupmu bersama, menaruh pikiran dan perasaan yang terdapat juga dalam Kristus Yesus, yang walaupun dalam rupa Allah, tidak meng-anggap kesetaraan dengan Allah itu sebagai milik yang harus dipertahankan, melainkan telah mengosongkan diri-Nya sendiri, dan mengambil rupa seorang hamba, dan menjadi sama dengan manusia. Dan dalam keadaan sebagai manusia, Dia telah merendahkan diri-Nya dan taat sampai mati, bahkan sampai mati di kayu salib”  
(Filipi 2:5-9).

### **Permata-Permatanya**

1. Allah mengambil berat akan manusia. Dia menyediakan segala sesuatu bagi kita. “Lihatlah Aku memberikan kepadamu segala tumbuh-tumbuhan yang berbiji di seluruh bumi dan segala pohon-pohonan yang buahnya berbiji; itulah akan menjadi makananmu” (Kejadian 1:29).
2. Allah mempunyai perasaan. “Ketika dilihat TUHAN, bahawa kejahatan manusia besar di bumi dan bahawa segala kecenderungan hatinya selalu membuahkan kejahatan semata-mata, maka menyesallah TUHAN, bahawa Dia telah menjadikan manusia di bumi, dan hal itu memilukan hati-Nya (Kejadian 6:5-6).
3. Allah setia. Dia merancang dan mengikat perjanjian dengan Abram sehingga rencana-Nya digenapi melalui keturunannya. “Daripada pihak-Ku, inilah perjanjian-Ku

dengan engkau: Engkau akan menjadi bapa sejumlah besar bangsa” (Kejadian 17:4).

4. Allah mengasihi dengan sabar. “Bersihkanlah aku daripada dosaku dengan hisop, maka aku menjadi lebih putih dari salju” (Mazmur 51:9).
5. Sebagai peribadi, Allah boleh bersekutu dengan kita. “Jawab Yesus: “Jika seorang mengasihi Aku, dia akan menuruti firman-Ku dan Bapa-Ku akan mengasihi dia dan Kami akan datang kepadanya dan diam bersama-sama dengan dia” (Yohanes 14:23).
6. Allah sebagai Imam Besar dapat mengalami dan turut bersimpati dengan segala yang kita alami. Tuhan Yesus pernah menjelma menjadi manusia dan menjalani kehidupan di dunia ini yang penuh cabaran dan juga dicubai iblis, tetapi tidak berdosa, “Sebab Imam Besar yang kita punya, bukanlah imam besar yang tidak dapat turut merasakan kelemahan-kelemahan kita, sebaliknya sama dengan kita, Dia telah dicubai, hanya tidak berbuat dosa” (Ibrani 4:15).

### **Saat Berbincang**

1. Dapatkah anda jelaskan perbezaan antara Allah dan manusia dalam sifat-sifat masing-masing?





## PELAJARAN 2

---

# Apa Artinya Allah Kudus?

*“Kekudusan ialah suatu pertumbuhan sihat bagi manusia yang serong secara moral kepada gambaran moral Yesus Kristus, manusia sempurna”—J.I.Packer*

**P**erjanjian Lama berulang kali menekankan bahawa Allah yang kita sembah adalah kudus. “Dalam pengertian asalnya, kekudusan Allah menggambarkan Dia yang secara khas berbeza daripada semua makhluk-Nya dan Dia ditinggikan dalam keagungan yang tanpa batas.”<sup>4</sup> “Gagasan yang mendasarinya ialah pemisahan daripada segala yang tidak suci. Ia menggambarkan gagasan keagungan dan keterpisahan dari segala yang terbatas dan tidak sempurna. Betapa pentingnya kita selalu mengingat bahawa keagungan dan kesempurnaan moral tuntas yang menyelubungi Yang

Ilahi ini. Tanpa ini, ibadat yang benar akan merosot dan hanya berdasarkan dugaan.”<sup>5</sup>

Louis Berkhof memerhatikan bahawa kekudusan yang tertinggi diwahyukan dalam kehidupan Tuhan Yesus:

“Kekudusan Allah diwahyukan dalam hukum moral dalam hati manusia, dan yang berbicara kepada hati nurani, dan secara lebih istimewa wahyu khusus. Ia terserlah dalam hukum-hukum yang diberikan kepada Israel. Hukum-hukum ini didirikan untuk memberitahu Israel tentang kekudusan Allah, dan untuk mendorong mereka hidup suci. Inilah tujuan lambang-lambang seperti negara kudus, kota kudus, keimaman kudus. Tambahan pula, ia diwahyukan dalam cara Allah memberkati mereka yang berpegang pada hukum, dan menghukum pelanggar-pelanggar hukum. Wahyu yang tertinggi diberikan dalam Yesus Kristus, yang dipanggil, “Yang Kudus dan Benar” (Kisah Para Rasul 3:14). Dia mata air yang memancarkan kekudusan Allah yang sempurna.”

### **Permata-Permatanya**

1. Kekudusan Allah membezakan-Nya daripada makhluk ciptaan-Nya. Inilah sifatnya yang paling inti; kesempurnaan-Nya yang teramat tinggi dan dahsyat. “Biarlah mereka menyanyikan syukur bagi nama-Mu yang benar dan dahsyat; Kuduslah Dia!” (Mazmur 99:3).

2. Kekudusan Allah memberi kita gambaran kehadiran-Nya yang teramat agung dan mulia. “Dalam tahun matinya raja Uzia aku melihat Tuhan duduk di atas takhta yang tinggi dan menjulang dan ujung jubah-Nya memenuhi Bait Suci” (Yesaya 6:1).
3. Sifat kudus menjadi ciri khas Tritunggal (Yohanes 17:11; Yahya 14:26). “Oleh kerana kesucian merangkumi setiap sifat Tritunggal, ia bersinar paling cerah daripada semua sifat yang merangkumi-Nya. Seperti sinaran mentari yang menggabungkan semua warna spektrum sewaktu bersinar, dan menjadi satu terang, demikian juga dengan pernyataan Allah, semua sifat-Nya bergabung menjadi kesucian. Kesucian atas sebab ini dikenali sebagai sifat daripada segala sifat, yang memberi kesatuan kepada sifat-sifat Allah.”<sup>6</sup>
4. Tidak ada yang lain yang kudus seperti Allah. “Tidak ada yang kudus seperti Tuhan, sebab tidak ada yang lain kecuali Engkau dan tidak ada gunung batu seperti Allah kita” (1 Samuel 2:2).
5. Kekudusan Allah menjatuhkan penghukuman ke atas setiap kejahatan yang dilakukan oleh manusia. “Sebab Aku tahu bahawa perbuatanmu yang jahat banyak dan dosamu berjumlah besar, hai kamu yang menjadikan orang benar terjepit, yang menerima wang suap dan yang mengesampingkan orang miskin di pintu gerbang” (Amos 5:12).  
Kejahatan umat Tuhan menyebabkan Tuhan mengaum seperti singa yang menandakan penghukumannya menjelang. “Berkatalah dia: TUHAN mengaum

dari Sion dan dari Yerusalem ia memperdengarkan suara-Nya; keringlah padang-padang pembalasan dan layulah puncak gunung Karmel” (Amos 1:1).

6. Kehidupan dan sifat Tuhan Yesus memancarkan kekudusan ilahi yang sempurna. Hidup-Nya tidak pernah tercemar dosa dan segenap hidupnya diserahkan kepada kehendak dan perintah Allah. Hanya kesempurnaan dicapai dalam Diri-Nya. “dan sesudah Dia mencapai kesempurnaan-Nya, Dia menjadi pokok keselamatan yang abadi bagi semua orang yang taat kepada-Nya” (Ibrani 5:9).
7. Allah ingin kita mengambil bahagian dalam kesucian ini sebagai umat-Nya yang sudah ditebus daripada kegelapan dosa. “Tetapi hendaklah kamu menjadi kudus di dalam seluruh hidupmu sama seperti Dia yang kudus, yang telah memanggil kamu, sebab ada tertulis: Kuduslah kamu, sebab Aku kudus” (1 Petrus 1:15-16).

### **Sifat-Sifat Orang Suci**

“Tanpa kekudusan tidak seorang pun akan melihat Tuhan” (Ibrani 12:14). J.C. Ryle (1816-1900) merumuskan sebelas sifat orang suci, mereka bukanlah jenis yang berpura-pura beragama namun tidak pernah mencapai kesucian yang benar.<sup>7</sup>

Dalam penulisan kesucian, dia mengajukan kesucian praktis

1. Kekudusan adalah tabiat yang bersatu fikiran dengan Tuhan seperti yang kita ketahui dalam Alkitab: bersetuju dengan keputusan Tuhan, membenci apa yang dibenci-Nya, mengasihi apa yang dikasihi-Nya, dan mengukur segala sesuatu di dunia berdasarkan piawaian firman-Nya.
2. Seorang yang suci akan mengelakkan setiap dosa yang diketahuinya, dan menurut setiap perintah yang diketahuinya. Minda yang diarahkan kepada Allah dengan sengaja, keinginan hati yang sudi mengikut kehendak-Nya, ketakutan yang lebih besar untuk menyenangkan Dia daripada dunia, dan untuk menyayangi semua cara-Nya.
3. Seorang yang suci akan berusaha menjadi seperti Kristus- Dia tidak hanya akan tinggal dalam iman dan mendapat kekuatan dan damai harian tetapi dia berusaha berfikir seperti Dia dan untuk menjadi serupa dengan gambaran Anak-Nya. “Sebab semua orang yang dipilih-Nya dari semula, mereka juga ditentukan-Nya dari semula untuk menjadi serupa dengan gambaran Anak-Nya, supaya Dia, Anak-Nya itu, menjadi yang sulung di antara banyak saudara” (Roma 8:29).

### **Untuk menjadi tujuan-Nya**

Untuk bersabar dan mengampuni orang seperti Kristus telah mengampuni kita.

Untuk berjalan dalam kasih seperti Kristus mengasihi kita.

Untuk rendah hati seperti Kristus yang tidak menganggap Diri-Nya dan merendahkan diri.

### **Untuk selalu ingat**

Kristus adalah saksi yang setia bagi kebenaran.

Dia tidak datang untuk melakukan kehendak sendiri.

Minuman dan makanan-Nya ialah melakukan kehendak Bapa.

Dia akan menyangkal Diri Sendiri terus menerus untuk melayani orang lain.

Dia rendah hati dan sabar walaupun dicaci.

Dia lebih mengambil berat akan orang miskin yang suci daripada raja-raja.

Dia penuh dengan kasih dan belas kasihan terhadap mereka yang berdosa.

Dia berani dan tidak bertolak ansur dengan dosa.

Dia tidak mencari pujian manusia sekalipun Dia boleh mendapatnya.

Dia ke merata tempat melakukan kebaikan.

Dia berlainan daripada mereka yang duniawi.

Dia selalu berdoa.

Dia tidak akan membiarkan yang paling terdekat kepadanya menghalangi pekerjaan Tuhan yang perlu dilakukan.

Semua ini akan diingat oleh seorang yang suci dan dia akan berusaha membentuk hidupnya menurut arah ini (1 John 2:6; 1 Petrus 2:21).

4. Seorang yang suci menurut kerendahan hati, kesabaran, kelemahlembutan, tidak panas baran, dan menguasai lidahnya (2 Samuel 16:10; Bilangan 12:13).

5. Seorang yang suci menguasai diri dan menyangkal diri. Dia berusaha mematikan keinginan tubuhnya, menyalibkan dagingnya yang manja dan bernafsu, mengendalikan nafsunya, mengawal kecenderongan dagingnya (Lukas 21:34; 1 Korintus 9:27).
6. Seorang yang suci mengasihi dan bermurah hati terhadap saudara mereka. Dia akan melakukan apa yang diharapkan daripada orang lain, demikian juga dia akan bercakap seperti dia yang diharapkan daripada yang lain (Roma 13:8).
7. Seorang yang suci berbelas kasihan dan berbakti kepada yang lain. Dia tidak gembira hanya kerana dia tidak melakukan kejahatan tetapi dia berusaha melakukan kebaikan. Dia akan menjadi berguna kepada generasinya, dan memenuhi keperluan rohani serta mengurangi penderitaan mereka (Kisah Para Rasul 9:36; 2 Korintus 12:15).
8. Orang yang suci memelihara kesucian hatinya. Dia tahu hatinya penuh dengan bahan-bahan kering dan mudah terbakar apabila terpercik api pencubaan. Siapakah yang berani bercakap tentang kekuatan sendiri sedangkan Daud jatuh?
9. Seorang yang suci takut akan Tuhan bukan sebagai seorang hamba melainkan seperti seorang anak yang ingin hidup dan berkelakuan di depan mata bapanya kerana dia mengasihi-Nya.

10. Seorang yang suci bersifat rendah hati dan dalam segala kerendahan hatinya menganggap orang lain lebih baik daripada dirinya. Dia melihat kejahatan hati sendiri lebih daripada kejahatan orang lain di dunia ini.

Seperti Abraham, dia akan berkata, “Saya hanya abuk dan debu.”

Seperti Yakub, dia akan berkata, “Saya tidak layak untuk semua rahmat-Mu.”

Seperti Ayub, dia akan berkata, “Saya jahat.”

Seperti Paulus, dia akan berkata, “Saya pendosa yang terbesar.”

11. Seorang yang suci melaksanakan semua tugas dan memupuk perhubungannya dengan setia (Daniel 6:5). Dia berusaha menjadi: suami atau isteri yang baik, ibu bapa atau anak-anak yang baik, bos atau pekerja yang baik, jiran yang baik, kawan yang baik, rakyat yang baik, baik sewaktu sendiri atau di tempat awam.

12. Seorang yang suci selalu mementingkan kerohanian dalam fikirannya. Dia menumpukan kasih sayangnya kepada semua yang di atas, dan tidak memegang ketat terhadap yang di bawah. Dia tidak akan mengabaikan urusan hidup ini tetapi yang terutama dalam fikirannya ialah kenyataan kekal. Dia berusaha hidup seperti orang yang memiliki harta di syurga dan melewati dunia ini sebagai orang asing dan musafir dalam perjalanan pulang. (R.C. Ryle)

## Saat Berbincang

1. Apakah ertinya Allah kita kudus?
2. Bagaimanakah kekudusan Allah berbeza daripada kesucian manusia?
3. Kenapakah Tuhan Yesus mampu mencapai keselamatan abadi bagi manusia? (Ibrani 5:9)
4. Jelaskan keadaan minda seseorang yang kudus.
5. Bagaimanakah orang yang kudus akan memperlakukan orang lain? (Roma 23:8)

6. Baca Yesaya 6. Jelaskan keadaan Yesaya sebelum dan sesudah dia melihat kekudusan Allah.
  
7. Jelaskan apa yang harus anda lakukan apabila anda sadar bahawa anda disaluti oleh dosa dan bukan kekudusan Allah (Mazmur 51:3, 4-6, 12).

## PELAJARAN 3

---

# Apakah Ertinya Kebenaran Allah?

*“Dia kekal dan intipati-Nya kebenaran. Memang sifat-Nya untuk bertindak dalam kebenaran dan keadilan dan mustahilnya, Dia bertindak sebaliknya, atau tidak sejajar dengan sifat-Nya.”—T.C. Hammond and David F. Wright*

Kebenaran dan keadilan Allah berkaitan erat dengan kesucian-Nya. Kebenaran dan keadilan Allah bererti lurus dan yang berpegangan tetap pada hukum. Perkataan bahasa Inggerisnya ‘righteousness’ masih tiada perkataan tepat dalam Bahasa Malaysia buat semasa.

“Perkataan Ibrani tsedeq dan bahasa Yunannya dikaiosune diterjemahkan sebagai kebenaran, kebetulan, keadilan, dan menurut hukum. “Istilah ini digunakan dalam suasana forensik, dalam rangka undang-undang dan mahkamah, di suasana di mana seseorang membela tingkah

laku.”...Allah menuntut kita untuk bertindak sesuai dengan piawian-Nya dan menjadi benar dan adil dalam kehidupan kita. Ahli teolog yang liberal berusaha meniadakan hukum atau undang daripada perhubungan ini, dan berfikir ia bertentangan dengan tekanan Alkitab tentang kasih. Tetapi hukum kebenaran menyelubungi Alkitab, dan seperti yang kita lihat, kasih menuntut kita menurut perintah Allah” (1 Yohanes 5:3).<sup>8</sup>

Allah kita tidak memandang muka atau bulu kerana Dia benar dan saksama. “Sebab Allah tidak memandang bulu” (Roma 2:11). “...Tuhan kamu ada di syurga dan Dia tidak memandang muka” (Efesus 6:9). Manusia selalu memandang cantik atau tidak cantik, kaya atau miskin, hitam atau putih, pandai atau lamban, Allah yang benar tidak memandang semua ini. Justru kerana Dia tidak memandang bulu atau muka, Dia mati di kayu salib bagi semua dan mengasihi dengan penuh anugerah. Namun Dia juga Hakim yang adil menghukum semua pendosa kerana Dia tanpa memandang muka.

## **Permata-Permatanya**

1. Allah bersifat benar dan adil. “Maka pemimpin-pemimpin Israel dan raja merendahkan diri dan berkata: “TUHANlah yang benar!” (2 Tawarikh 12:6)
2. Allah adalah Hakim yang benar dan adil. “Biarlah berakhir kejahatan orang fasik, tetapi teguhkan orang yang benar, Engkau yang menguji hati dan batin orang, ya Allah yang adil” (Mazmur 7:10).

3. Dia saksama. “Sebab Allah tidak memandang bulu” (Roma 2:11). “...Tuhan kamu ada di syurga dan tidak memandang muka” (Efesus 6:9). “Barangsiapa berbuat kesalahan dia akan menanggung kesalahannya itu, kerana Tuhan tidak memandang orang” (Kolose 3:25).
4. Kebenaran dan keadilan dapat difahami dengan lebih jelas kalau kita melihat perhubungan perjanjian Allah dengan umat-Nya. Dalam perjanjian dengan Allah setelah Dia membawa umat-Nya keluar dari Mesir, mereka diharapkan untuk menurut segala ketetapan, perintah dan peraturan TUHAN Allah. “Dan kita akan menjadi benar apabila kita melakukan segenap perintah itu dengan setia di hadapan TUHAN, Allah kita, seperti yang diperintahkan-Nya kepada kita” (Ulangan 6:25).
5. Segala penghukuman dan pengadilan-Nya benar. Raja Daud mengakui kebenaran Allah sewaktu dia mengakui dosanya. “Terhadap Engkau, terhadap Engkau sajalah aku telah berdosa dan melakukan apa yang Kauanggap jahat, supaya ternyata Engkau adil dalam putusan-Mu bersih dalam penghukuman-Mu”(Mazmur 51:6).
6. Kebenaran Allah juga mempunyai konsep yang sejajar dengan penyelamatan dan kasih-Nya. “Keadilan tidaklah kusembunyikan dalam hatiku, kesetiaan-Mu dan penyelamatan daripada-Mu kubicarakan, kasih-Mu dan kebenaran-Mu tidak kudiamkan kepada jemaah yang besar” (Mazmur 40:11).

7. Kebenaran Allah dikaitkan dengan tindakan penebusan-Nya. “Dan TUHAN berfirman: “Aku telah memperhatikan dengan sungguh kesengsaraan umat-Ku di tanah Mesir, dan Aku telah mendengar seruan mereka disebabkan oleh pengerah-pengerah mereka, ya, Aku mengetahui penderitaan mereka” (Keluaran 3:7).
8. Allah yang benar, juga Juruselamat kita. “...Bukankah Aku, TUHAN? Tidak ada yang lain, tidak ada Allah selain daripada-Ku! Allah yang adil dan Juruselamat, tidak ada yang lain kecuali Aku!” (Yesaya 45:21b).
9. Tuhan Yesus yang benar dan adil telah menjadi Juruselamat dan mengerjakan penebusan bagi dosa manusia:

“Siapakah daripada nabi-nabi yang tidak dianiaya oleh nenek moyangmu? Bahkan mereka membunuh orang-orang yang lebih dahulu memberitakan tentang kedatangan Orang Benar, yang sekarang telah kamu khianati dan kamu bunuh” (Kisah Para Rasul 7:52).

10. Abraham menerima kebenarannya berdasarkan iman pada perjanjian yang diberikan oleh Allah. “Sebab bukan kerana hukum Taurat telah diberikan janji kepada Abraham dan keturunannya, bahawa dia akan memiliki dunia, tetapi kerana kebenaran, berdasarkan iman” (Roma 4:13).

Kita juga dibenarkan dan diselamatkan berdasarkan iman kita kepada Tuhan Yesus yang mati bagi menebus dosa kita, dan yang bangkit untuk mengalahkan maut. “Kata-kata ini, iaitu “hal ini diperhitungkan kepadanya,” tidak ditulis untuk Abraham saja, tetapi ditulis juga untuk kita; sebab kepada kita pun Allah memperhitungkannya, kerana kita percaya kepada Dia, yang telah membangkitkan Yesus, Tuhan kita, daripada antara orang mati, iaitu Yesus, yang telah diserahkan kerana pelanggaran kita dan dibangkitkan kerana pembenaran kita” (Roma 4:23-25).

Jadi kebenaran Allah bukan sahaja satu senarai perintah untuk diikuti tetapi juga kuasa Allah untuk penyelamatan dan pembenaran.

11. Kebenaran dan keadilan Allah juga mendatangkan pengampunan dosa dalam mereka yang percaya dan mengakui dosa mereka. “Jika kita mengaku dosa kita maka Dia adalah setia dan adil, sehingga Dia akan mengampuni segala dosa kita dan menyucikan kita dari segala kejahatan” (1 Yohanes 1:9).
12. Penerimaan kebenaran daripada Tuhan Yesus bererti kita memasuki hidup kebenaran yang baru. “Penuh dengan buah kebenaran yang dikerjakan oleh Yesus Kristus untuk memuliakan dan memuji Allah” (Filipi 1:11). Ia juga bererti mengenakan yang baru dalam segala kekudusan dan kebenaran, “dan mengenakan manusia baru, yang telah diciptakan menurut kehendak Allah di dalam kebenaran dan kekudusan yang sesungguhnya” (Efesus 4:24).

## Saat Berbincang

1. Bolehkah anda menjelaskan apa ertinya kebenaran Allah?
2. Abraham menerima kebenaran melalui iman, bagaimanakah kita menerima kebenaran kita? (Roma 4:23-25)
3. Mengapakah Tuhan Yesus yang adil dan benar mati di kayu salib? (Yohanes 3:16)

4. Sebagai penerima kebenaran Allah, bagaimanakah anda harus menjalani kehidupan anda? (Filipi 1:11)
  
  
  
  
  
  
  
  
  
  
5. Allah kita setia dan adil. Seandainya kita mengakui dosa kita, apakah yang akan dilakukannya? (1 Yohanes 1:9)
  
  
  
  
  
  
  
  
  
  
6. Dalam kehidupan kita di dunia, bagaimanakah kita menggambarkan kebenaran dan keadilan Allah? (Yesaya 1:16-17)

7. Kebenaran dan keadilan Allah juga menyebabkan Dia mendisiplin kita. Jelaskan sikap kita sewaktu menghadapi didikan Tuhan (Ibrani 12:5-6).
  
8. Baca Sepuluh Hukum dalam Keluaran 20:1-17 dan jelaskan bagaimana kebenaran dan keadilan Allah dilihat dalam hukum-hukum ini.

“Apabila kita meninggalkan Allah yang benar dan adil, kita tidak memiliki ukuran yang benar untuk tingkah laku kita.” Dr. Rufus Van Klein Smid.

## PELAJARAN 4

---

# Apa Artinya Allah Penyayang?

*“Tuhan ialah kasih tidak berarti Dia mengasihi malahan ia berarti Dia sendiri kasih. Kasih bukan hanya salah satu sifat-Nya tetapi keberadaan-Nya.” (Arthur Pink)*

**K**asih satu sifat asas Allah. “Barangsiapa tidak mengasihi, dia tidak mengenal Allah, sebab Allah adalah kasih” (1 Yohanes 4:8).

Sejak Perjanjian Lama, kita sudah diberitahu bahawa Allah kita penyayang dan pengasih. “Berjalanlah TUHAN lewat dari depannya dan berseru: “TUHAN, TUHAN, Allah Penyayang dan pengasih, panjang sabar, berlimpah kasih-Nya dan setia-Nya” (Keluaran 34:6). Kasih antara Tritunggal memang intipati sifat-Nya. Bapa mengasihi Anak dan sebaliknya juga Anak mengasihi

Bapa. “Bapa mengasihi Anak dan telah menyerahkan segala sesuatu kepada-Nya” (Yohanes 3:35). “Lalu terdengarlah suara dari syurga yang mengatakan: “Inilah Anak-Ku yang Kukasihi, kepada-Nyalah Aku berkenan” (Matius 3:17).

Sifat Allah memang kasih. Kita mengasihi Allah kerana Dia yang pertama mengasihi kita. Arthur Pink berkata oleh kerana Allah yang terlebih dahulu mengasihi kita, ini menunjukkan kasih-Nya tidak dipengaruhi oleh apa-apa:

“Seandainya Allah mengasihi kerana mahu membalas kasih kita, maka kasih-Nya bukan spontan tetapi oleh kerana Dia mengasihi kita sewaktu kita tidak ada sesuatu pun yang layak dikasihi, ini menunjukkan kasih-Nya tidak dipengaruhi.”  
Alkitab bersabda, “Kita mengasihi, kerana Allah lebih dahulu mengasihi kita” (1 Yohanes 4:19).

## **Permata-Permatanya**

1. Sesiapa yang mengenal Dia, juga mengasihi seperti Dia. “Barangsiapa tidak mengasihi, dia tidak mengenal Allah, sebab Allah adalah kasih” (1 Yohanes 4:8).
2. Tuhan Yesus memberi perintah agar para murid-Nya mengasihi bahkan terhadap musuh mereka. “Tetapi Aku berkata kepadamu: Kasihilah musuhmu dan berdoalah bagi mereka yang menganiaya kamu” (Matius 5:44).

3. Segala jalan yang ditentukan oleh Allah adalah kasih bagi orang yang berpegang pada peringatan dan perjanjian-Nya. “Segala jalan TUHAN adalah kasih setia dan kebenaran bagi orang yang berpegang pada perjanjian-Nya dan peringatan-peringatan-Nya (Mazmur 25:10).
4. Dalam urusan-Nya dengan umat-Nya, Dia menyatakan Diri-Nya sebagai Allah yang kasih, panjang sabar, selalu mengampuni dan penuh kasih setia. “Siapakah Allah seperti Engkau yang mengampuni dosa, dan yang memaafkan pelanggaran dari sisa-sisa milik-Nya sendiri; yang tidak bertahan dalam murka-Nya untuk seterusnya, melainkan berkenan kepada kasih setia?” (Mikha 7:18).
5. Kasih Allah sungguh tinggi dan dalam bagi ciptaan-Nya. “Ya TUHAN, kasih-Mu sampai ke langit, setia-Mu sampai ke awan” (Mazmur 36:6).
6. Kasih-Nya yang besar telah mengaruniakan Anak-Nya untuk menyelamatkan manusia yang berdosa:

“Tetapi Allah yang kaya dengan rahmat, oleh kerana kasih-Nya yang besar, yang dilimpahkan-Nya kepada kita, telah menghidupkan kita bersama-sama dengan Kristus, sekalipun kita telah mati oleh kesalahan-kesalahan kita—oleh kasih karunia kamu diselamatkan—dan di dalam Kristus Yesus, Dia telah membangkitkan kita juga dan memberikan tempat bersama-sama Dia di syurga” (Efesus 2:4-6).

“Kerana begitu besar kasih Allah akan dunia ini, sehingga Dia telah mengaruniakan Anak-Nya yang tunggal, supaya setiap orang yang percaya kepada-Nya tidak binasa, melainkan beroleh hidup yang kekal”(Yohanes 3:16).

7. Kasih Tuhan melampaui batas pengetahuan dan pengertian kita tetapi Rasul Paulus berdoa agar kita memahaminya:

“Aku berdoa, supaya kamu bersama-sama dengan segala orang kudus dapat memahami betapa lebarnya dan panjangnya dan tingginya dan dalamnya kasih Kristus, dan dapat mengenal kasih itu, sekalipun ia melampaui segala pengetahuan. Aku berdoa, supaya kamu dipenuhi di dalam seluruh kepenuhan Allah” (Efesus 3:18-19).

8. Tiada sesuatu pun yang dapat memisahkan kita daripada kasih Allah. “Siapakah yang akan memisahkan kita dari kasih Kristus? Penindasan atau kesesakan atau penganiayaan, atau kelaparan atau ketelanjangan, atau bahaya, atau pedang?...Tetapi dalam semuanya itu kita lebih daripada orang yang menang, oleh Dia yang telah mengasihi kita” (Roma 8:35-37).
9. Kasih Allah kita suci. “Allah ialah terang” (1 Yohanes 1:5) telah disebutkan sebelum “Allah ialah kasih” (1 Yohanes 4:8). A.W. Pink berkata:

“Kasih Allah bukan jenis lemah gemalai yang mesra dan lemah, atau lemah lembut yang bersifat kewanitaan. Alkitab bersabda bahawa “kerana Tuhan menghajar orang yang dikasihi-Nya, dan Dia menyusah orang yang diakui-Nya sebagai anak” (Ibrani 12:6). Dia tidak berkedip dengan dosa, sekalipun itu umat-Nya. Kasih-Nya suci dan tidak bercampuran dengan perasaan yang mudah terharu.”

### Saat Berbincang

1. Apakah ertinya Allah kita kasih?
2. Adakah Allah mengasihi kita kerana kita baik? (Roma 5:6-8)
3. Ukuran apakah yang terbaik untuk mengukur ketulusan orang yang mengakui mereka mengasihi Allah? (1 Yohanes 4:8)



## PELAJARAN 5

---

# *Apa Artinya Allah Baik?*

*“Tuhan ialah satu Peribadi dan tiada lain yang lebih agung yang dapat kita selami.” –Anslem Canterbury*

**A**pabila kita berkata seseorang pemasak itu baik, kita mungkin sedang menjelaskan bahawa dia pandai memasak. Masakannya membuat air liur kita meleleh, tidak terlalu berminyak, dan sungguh kreatif merancang menu. Sekalipun dia pemasak baik, dia mungkin seorang penjahat yang ngeri, atau pendera isteri! Kalau kita berkata Tuhan kita baik kita sedang berkata seluruh keberadaan dan intipati moral-Nya, tindakan-Nya baik dan sempurna. Kebaikan manusia tidak sempurna dan mutlak seperti Tuhan.

Kebaikan Allah tiada dapat diselami bagai lautan luas, kebesaran seantero, mahupun ketinggian gunung

Everest, dan kebaikan-Nya dijelaskan dalam Alkitab dengan pelbagai cara. Walau bagaimanapun Allah telah menjadikan kita anak-anak-Nya yang mendengar suara-Nya melalui firman-Nya dan mengalami kebaikan-Nya. Kita tidak sekadar mengetahui kebaikan Tuhan sebagai pengetahuan sahaja, tetapi kita mengenal kebaikan Allah secara peribadi waktu bahagia ataupun susah.

Allah baik dalam seluruh keberadaan-Nya, Dia baik kepada ciptaan-Nya, dan dianggap sebagai pemancar segala kebaikan. “TUHAN itu baik kepada semua orang, dan penuh rahmat terhadap segala yang dijadikan-Nya... Engkau membuka tangan-Mu dan mengenyangkan segala yang hidup” (Mazmur 145:15,16). Kebaikan Allah secara istimewa dinikmati oleh yang percaya kepada-Nya dan menghargai segala kebaikan-Nya dalam kehidupan mahupun pelayanan mereka.

### **Permata-Permatanya**

1. Tiada lain yang baik secara sempurna seperti Allah kita. Pemazmur selalu menyedari kebaikan Allah yang kekal. “Sebab Engkau, ya Tuhan, baik dan suka mengampuni dan berlimpah kasih setia bagi semua orang yang berseru kepada-Mu” (Mazmur 86:5). Bersyukurlah selalu atas kebaikan Allah. “Bersyukurlah kepada TUHAN, sebab Dia baik; bahawasanya untuk selama-lamanya kasih setianya” (Mazmur 107:1).

“...Tak ada seorang pun yang baik selain daripada Allah saja” (Markus 10:18).

2. Kebaikan Allah boleh dilihat dalam ciptaan-Nya. “Allah melihat bahawa terang itu baik, lalu dipisahkan-Nyalah terang itu dari gelap” (Kejadian 1:4, 25, 31).
3. Allah itu baik kepada semua, dia mencurahkan hujan kepada yang baik mahupun kepada yang jahat. “TUHAN itu baik kepada semua orang, dan penuh rahmat terhadap segala yang dijadikan-Nya” (Mazmur 145:9).
4. Kebaikan Allah itu mengerakkan Allah untuk mengikat perjanjian dengan umat-Nya setelah membawa mereka keluar dari Mesir. Allah bersabda kepada Musa:

“Firman-Nya: “Sungguh, Aku mengadakan suatu perjanjian. Di depan seluruh bangsamu ini akan Kulakukan perbuatan-perbuatan yang ajaib, seperti yang belum pernah dijadikan di seluruh bumi di antara segala bangsa; seluruh bangsa, yang di tengah-tengahnya engkau diam, atau melihat perbuatan TUHAN, sebab apa yang Kulakukan dengan engkau, sungguh-sungguh dahsyat” (Keluaran 34:10).

5. Perjanjian yang diikrarkan bersama umat-Nya melalui Musa baik dan sempurna adanya. “Terpujilah TUHAN yang memberikan tempat perhentian kepada umat-Nya Israel tepat seperti yang difirmankan-Nya; dari segala

yang baik, yang telah dijanjikan-Nya dengan perantaraan Musa, hamba-Nya, tidak ada satu pun yang tidak dipenuhi” (1 Raja-Raja 8:56).

6. Segala yang dilakukan oleh Allah itu baik sempurna. “Engkau baik dan berbuat baik; ajarkanlah ketetapan-ketetapan-Mu kepadaku” (Mazmur 119:68).
7. Allah mengaruniakan Anak-Nya kepada kita dan segala yang baik kepada kita. “Dia yang tidak menyayangkan Anak-Nya sendiri, tetapi yang menyerahkan-Nya bagi kita semua, bagaimanakah mungkin Dia tidak mengaruniakan segala sesuatu kepada kita bersama-sama dengan Dia?” (Roma 8:32)  
Segala berkat rohani juga dicurahkan kepada kita dalam Yesus Kristus. “Terpujilah Allah dan Bapa Tuhan kita Yesus Kristus telah mengaruniakan kepada kita segala berkat rohani di dalam syurga” (Efesus 1:3).
8. Dalam dunia yang tiada pengharapan, Kristus memberi kita pengharapan dan hiburan yang baik. “Dan Dia, Tuhan kita Yesus Kristus, dan Allah, Bapa kita, yang dalam kasih karunia-Nya telah mengasihi kita dan yang telah menganugerahkan hiburan abadi dan pengharapan baik kepada kita” (2 Tesalonika 2:16).

Karya pembaharuan Allah dalam diri kita itu baik dan Dia akan menyempurnakannya sehingga hari Yesus

9. Kristus. Untuk ini anda harus yakin dan berpegang teguh. “Akan hal ini aku yakin sepenuhnya, yaitu Dia, yang memulai pekerjaan yang baik di antara kamu, akan meneruskannya sampai pada akhirnya pada hari Kristus Yesus” (Filipi 1:6).

### **Saat Berbincang**

1. Jelaskan beberapa aspek dalam ciptaan yang menunjukkan kebaikan Allah yang sungguh anda hayati.
2. Bagaimanakah Allah menunjukkan kebaikan-Nya setelah Dia membimbing umat-Nya keluar dari Mesir? (Keluaran 34:10)
3. Mengapakah segala perjanjian yang diikrarkan oleh Allah bersama umat-Nya melalui Musa boleh dikatakan baik dan sempurna? (1 Raja-Raja 8:56)

4. Selain mencurahkan berkat alam, berkat lain apakah yang dicurahkan bagi orang yang mempercayai-Nya? (Efesus 1:3)
  
5. Apakah yang dikurniakan Tuhan Yesus kepada kita dalam dunia yang bergelora ini? (2 Tesalonika 2:16)
  
6. Mengapakah karya pembaharuan Tuhan Yesus dalam diri kita dianggap baik? (Filipi 1:6)

## PELAJARAN 6

---

# Apakah Ertinya Allah Penuh Hikmat?

*“Pada dasarnya, hikmat ialah seni berjaya, membentuk rancangan yang tepat untuk mendapat hasil yang diinginkan. Ia pusat hati, pusat keputusan moral dan minda... Kebijakan duniawi berdasarkan naluri dan pengalaman tanpa wahyu, maka ia mempunyai keterbatasan.”—J.D. Douglas*

**A**yub berkata dengan penuh keyakinan tentang hikmat atau kebijaksanaan Allah, “Konon hikmat ada pada orang yang tua, dan pengertian pada orang yang lanjut umurnya. Tetapi pada Allahlah hikmat dan kekuatan, Dialah yang mempunyai pertimbangan dan pengertian” (Ayub 12:12-13). Abraham Lincoln, mantan presiden Amerika pernah berkata, “Banyak kali saya terdesak untuk berlutut kerana keyakinan yang kuat bahawa saya tiada tempat aduan yang lain. Hikmat saya dan mereka yang sekeliling saya tidak cukup bagi hari ini.”

Dalam kitab Wahyu, rasul Yohanes dalam penglihatan melihat segala makhluk syurgawi, malaikat yang berlaksa-laksa, dan tua-tua semua menyembah Anak Domba yang penuh dengan hikmat:

“Maka aku melihat dan mendengar suara banyak malaikat sekeliling takhta, makhluk-makhluk dan tua-tua itu; jumlah mereka berlaksa-laksa dan beribu-ribu laksa, katanya dengan suara nyaring: “Anak Domba yang disembelih itu layak untuk menerima kuasa, dan kekayaan, dan hikmat, dan kekuatan, dan hormat, dan kemuliaan, dan puji-pujian” (Wahyu 5:11-12).

Sejak zaman dahulu, hikmat Allah pun menakjubkan nabi Yesaya. “Sebab rancangan-Ku bukanlah rancanganmu, dan jalanmu bukanlah jalan-Ku, demikianlah firman TUHAN” (Yesaya 55:8-9). Rasul Paulus juga menghayati hal ini dengan mendalam:

“O, alangkah dalamnya kekayaan, hikmat dan pengetahuan Allah! Sungguh tak terselidiki keputusan-keputusan-Nya dan sungguh tak terselami jalan-jalan-Nya. Sebab, siapakah yang mengetahui fikiran Tuhan? Atau siapakah yang pernah menjadi penasihat-Nya. Atau siapakah yang pernah memberikan sesuatu kepada-Nya sehingga Dia harus menggantikannya? Sebab segala sesuatu adalah daripada Dia, dan oleh Dia, dan kepada Dia: Bagi Dialah kemuliaan sampai selama-lamanya!” (Roma 11:33-36).

## Permata-Permatanya

1. Segala hikmat dimiliki oleh Allah buat selama-lamanya. “Berkatalah Daniel: “Terpujilah nama Allah dari selama-lamanya sampai selama-lamanya, sebab daripada Dialah hikmat dan kekuatan” (Daniel 2:20).
2. Dia mewahyukan yang terselindung dalam kegelapan dan menyingkap hal-hal yang paling dalam. “Dialah yang menyingkapkan hal-hal yang tidak terduga dan yang tersembunyi, Dia tahu apa yang ada di dalam gelap, dan terang ada pada-Nya” (Daniel 2:22).
3. Ayub dalam kesengsaraannya tetap mengakui bahawa dalam Allah terkandung segala hikmat. “Tetapi pada Allahlah hikmat dan kekuatan, Dialah yang mempunyai pertimbangan dan pengertian” (Ayub 12:13).
4. Ciptaan-Nya menceritakan hikmat-Nya yang luarbiasa, Dia menciptakan dunia ini dengan kuasa dan hikmat-Nya. “Betapa banyak perbuatan-Mu, ya TUHAN, sekaliannya Kaujadikan dengan kebijaksanaan, bumi penuh dengan ciptaan-Mu” (Mazmur 104:24).
5. Pengajaran dan nasihat Allah semua berhikmat bahkan seorang petani bekerja juga menurut hikmat ciptaan dan edaran musim. “Mengenai adapt kebiasaan ia telah diajari, diberi petunjuk oleh Allahnya” (Yesaya 28:26).
6. Penghukuman dan urusan-Nya dengan manusia juga mempunyai hikmat-Nya. “Akan tetapi Dia yang

bijaksana akan mendatangkan malapetaka, dan tidak menarik firman-Nya” (Yesaya 31:2).

7. Hikmat-Nya juga ternampak dalam sejarah dan edaran zaman. “Dia mengubah saat dan waktu, Dia memecat raja dan mengangkat raja, Dia memberi hikmat dan kekuatan” (Daniel 2:21).
8. Yesus Kristus adalah sumber hikmat, pengudusan dan penebusan kita, segala sumber hidup daripada-Nya. “Tetapi oleh Dia kamu berada dalam Kristus Yesus, yang oleh Allah telah menjadi hikmat bagi kita. Dia membenarkan dan menguduskan dan menebus kita” (1 Korintus 1:30).
9. Allah pemberi segala hikmat dan daripada mulut-Nya akan datang pengertian dan pengetahuan. “Kerana TUHANlah yang memberikan hikmat dan mulut-Nya datang pengetahuan dan kepandaian” (Amsal 2:6).
10. Manusia perlu takut akan Tuhan kerana itu permulaan segala hikmat daripada Allah. “tetapi kepada manusia Dia berfirman: Sesungguhnya, takut akan Tuhan, itulah hikmat, dan menjauhi kejahatan, itulah akal budi”(Ayub 28:28).
11. Manusia harus mencari hikmat Tuhan seperti dia mencari khazanah yang tersembunyi dan perak. “Jikalau engkau mencarinya seperti mencari perak, dan mengejarnya seperti mengejar harta terpendam” (Amsal 2:4).

## Saat Berbincang

1. Bagaimanakah Alkitab menjelaskan hikmat Allah kita? (Roma 11:33-36)
2. Mengapakah hikmat Allah dikatakan luarbiasa? (Daniel 2:22)
3. Apakah yang diceritakan oleh ciptaan-Nya? (Mazmur 104:24)
4. Mengapakah kita mengatakan sejarah menggambarkan hikmat-Nya? (Daniel 2:21)
5. Bagaimanakah kita memperoleh hikmat Allah? (Amsal 2:6)

6. Bagaimanakah sikap kita sewaktu mencari hikmat daripada Allah? (Amsal 2:4)
7. Dalam Mazmur 32:8, Allah berkata. “Aku hendak mengajar dan menunjukkan kepadamu jalan yang harus kautempuh; Aku hendak memberi nasihat, mata-Ku tertuju kepadamu.” Baca tulisan ini dan berbincang mengapa seringkali jalan yang kita harus tempuh berbeza daripada yang kita pilih, khususnya berdasarkan hikmat Allah. John Mac Duff ada menulis:

“Bukan dengan cara yang kita suka tempuh, jalan yang kita pilih, tetapi dengan jalan yang harus kautempuh. Seringkali kita memilih untuk mengembara di lebuhraya yang bersinaran terang tetapi Allah berkata jalan kasar yang menelusuri gunung baik bagi kita. Sering kita seperti orang Israel suka memilih jalan Filistin yang lurus. Tetapi tiang awan Allah membimbing melalui padang belantara yang berbelit-belit. Biasanya kita seperti murid-murid Tiberias yang memilih jalan persisiran pantai yang lebih selamat, untuk mengelak badai kerana angin bertentangan. Tetapi Allah membimbing kita menaiki perahu.”  
(John MacDuff, 1864)

## PELAJARAN 7

---

# Apakah Ertinya Allah Maha Tahu?

*“Sebelum Aku membentuk engkau dalam rahim ibumu, Aku telah mengenal engkau, dan sebelum engkau keluar dari kandungan, Aku telah menguduskan engkau, Aku telah menetapkan engkau menjadi nabi bagi bangsa-bangsa.”—(Yeremia 1:4)*

**P**engetahuan dan sifat Maha Tahu itu sebahagian daripada sifat-Nya. Pengetahuan-Nya bukanlah sesuatu yang dipelajari atau dikaji-Nya seperti manusia. Pengetahuan Allah ajaib, sudah sempurna dan mutlak. Allah tahu segala yang lampau, yang ada sekarang, dan yang akan datang. “Apakah engkau mengetahui waktunya kambing gunung beranak, atau mengamati-rusa waktu sakit beranak?” (Ayub 39:4)

Hal ini terbukti dalam Alkitab apabila banyak nubuat yang dinubuatkan oleh nabi-nabi di bawah ilham Roh Kudus dipenuhi. John M. Frame memerhatikan perbezaan Yahweh dan dewa-dewa Timur Tengah Kuno:

“Pengetahuan akan masa depan bukan sahaja ujian seorang nabi yang benar, ia juga ujian Allah yang benar. Dalam saingan antara Yahweh dan dewa-dewa palsu Timur Tengah Kuno, isu yang terbesar ialah Allah manakah yang tahu masa depan. Inilah tema yang sering diulangi dalam Yesaya 40-49, bab-bab yang memusatkan Allah yang Maha Esa yang berlawanan dengan kepalsuan dewa-dewa.”<sup>9</sup>

Nubuat-nubuat yang dahulu sekarang sudah menjadi kenyataan, hal-hal yang baru hendak Kuberitahukan. Sebelum hal-hal itu muncul, Aku mengabarkannya kepadamu” (Yesaya 42:9).

## Permata-Permatanya

1. Allah mengetahui segala fikiran dan hati kita setiap masa dan sudah tahu setiap jalan yang kita tempuh:

“TUHAN, Engkau menyelidiki dan mengenal aku; Engkau mengetahui, kalau aku duduk atau berdiri, Engkau mengerti fikiranku dari jauh. Engkau memeriksa aku, kalau aku berjalan dan berbaring, segala jalanku Kaumaklumi” (Mazmur 139:1-2). “Maka Roh TUHAN meliputi aku dan TUHAN berfirman kepadaku: “Katakanlah: Beginilah firman TUHAN: Kamu berkata-kata begini, hai kaum Israel, dan Aku tahu apa yang timbul dalam hatimu” (Yehezkiel 11:5).

2. Allah mengetahui segala walaupun dalam keadaan atau tempat hitam pekat. “Maka kegelapan pun tidak menggelapkan bagi-Mu dan malam menjadi terang seperti siang, kegelapan sama seperti terang” (Mazmur 139:12).
3. Allah mengetahui setiap bahagian kita dengan intim dan tidak ada sesuatu yang tertutup daripada pandangan-Nya kerana Dia mencipta kita. “Sebab Engkaulah yang membentuk buah pinggangku, dan menenun aku dalam kandungan ibuku” (Mazmur 139:13)
4. Dia mengetahui segala sesuatu, tiada sesiapa dapat menasihati Dia.”Sebab: “Siapakah yang mengetahui fikiran Tuhan, sehingga dia dapat menasihati Dia” Tetapi kami memiliki fikiran Kristus” (1 Korintus 2:16).
5. Tiada makhluk yang tidak telanjang di depan Allah, setiap orang mesti mempertanggungjawab diri mereka di hadapan Allah. “Dan tidak ada suatu makhluk pun yang tersembunyi di hadapan-Nya, sebab segala sesuatu telanjang dan terbuka di depan mata Dia, yang kepada-Nya kita harus memberikan pertanggung jawab” (Ibrani 4:13).
6. Mata Tuhan di merata tempat dan Dia melihat yang baik dan yang jahat. “Mata TUHAN ada di segala tempat, mengawasi orang jahat dan orang baik” (Amsal 15:3).

Dalam kitab Zakharia 4:10; Wahyu 4:6; dan Yehezkiel 1:18 menyebut mata Allah yang menjelajahi seluruh bumi dan menentukan setiap peristiwa dengan teliti.

7. Setiap hati pun terbuka kepada mata Allah seperti neraka dan sheol yang tidak terelak pandangan-Nya. “Dunia orang mati dan kebinasaan terbuka di hadapan TUHAN, lebih-lebih hati anak manusia” (Amsal 15:11).
8. Dia tahu hati manusia dan melihat perbuatan mereka dari takhta-Nya ke atas bumi. “TUHAN memandang dari syurga, Dia melihat semua anak manusia, dari tempat kediaman-Nya Ia menilik semua penduduk bumi. Dia yang membentuk hati mereka sekalian yang memperhatikan segala pekerjaan mereka” (Mazmur 33:13-15).
9. Pendosa tidak dapat melarikan diri daripada Tuhan yang Maha Tahu biarpun mereka berkhemah di lautan yang terdalam. “Sekalipun mereka bersembunyi di puncak gunung Karamel, Aku akan mengusut dan mengambil mereka dari sana; sekalipun mereka menyembunyikan diri terhadap mata-Ku di dasar laut, Aku akan memerintahkan ular untuk memagut mereka di sana” (Amos 9:3).
10. Allah lebih besar daripada hati kita kerana Dia mengetahui segala sesuatu bahkan pada waktu hati kita menuduh kita. “Sebab jika kita dituduh olehnya, Allah adalah lebih besar daripada hati kita serta

mengetahui segala sesuatu” (1 Yohanes 3:20). Kita seharusnya berani mendekati Allah jika kita menurut segala perintah-Nya.

11. Pengetahuan dan pengertian Tuhan melampaui batas dan ukuran. “Besarlah Tuhan kita dan berlimpah kekuatan, kebijaksanaan-Nya tak terhingga.”  
(Mazmur 147:5)

### **Saat Berbincang**

1. Jelaskan perbezaan antara pengetahuan manusia dan Allah.
2. Bagaimana nubuat-nubuat yang disampaikan oleh para nabi membuktikan bahawa Allah kita Maha Tahu? (Yesaya 9:5)
3. Mengapakah setiap manusia harus mempertanggung jawab diri di hadirat Allah? (Ibrani 4:13)

4. Sejak bilakah Allah kita sudah mengenal kita dan mengetahui segala yang intim mengenai kita? (Mazmur 139:13)
  
5. Dapatkah segala kejahatan yang dilakukan di tempat yang sunyi dan sepi terlepas dari penghukuman Allah? (Amsal 15:3)
  
6. Renungkan Mazmur 139 dan cari ayat-ayat yang memberitahu anda bahawa Allah Maha Tahu.

## PELAJARAN 8

---

# Apakah Ertinya Allah Kekal dan Tidak Berubah?

*“Satu atau dua hal mungkin menyebabkan seseorang untuk bertukar mindanya dan menukar rancangan-Nya, kekurangan wawasan untuk menduga segala sesuatu, atau kekurangan wawasan untuk melaksanakannya. Tetapi oleh kerana Allah Maha Tahu dan Maha Kuasa, Dia tidak perlu menukarkan perintah-Nya.” (A.W. Pink)*

**A**lkitab bersabda bahawa Allah kita kekal dan tidak berubah, Raja segala zaman dan Allah satu-satunya. Dia tidak terbatas waktu dan tempat, dan sifat-sifat-Nya sama, tidak ada perubahan. “Hormat dan kemuliaan sampai selama-lamanya bagi Raja segala zaman, Allah

yang kekal, yang tak nampak, yang esa. Amin” (1 Tim 1:17). Kasih-Nya, kuasa-Nya, kekudusan-Nya dan segala sifat-Nya tetap kekal dan tidak berubah selama-lamanya.

A.W. Pink menggambarkan kekekalan Allah sebagai suatu kecemerlangan yang memperbezakan-Nya dari ciptaan-Nya:

“Ia suatu kecemerlangan Pencipta yang membezakan-Nya daripada ciptaan-Nya. Allah kita kekal abadi: tidak berubah dalam keberadaan-Nya, sifat-sifat-Nya, atau tujuan-Nya. “Oleh itu, Allah boleh dibandingkan dengan gunung batu yang tidak dapat digerakkan, dan seluruh lautan di sekeliling-Nya berubah selalu; seperti semua ciptaan-Nya berubah, Allah tidak berubah, kerana Allah tiada permulaan mahupun pengakhiran, Dia tidak akan berubah. Dia kekal, “... Bapa segala terang: pada-Nya tidak ada perubahan atau bayangan kerana pertukaran” (Yakobus 1:17).<sup>10</sup>

J.I Packer menjelaskan kekal Allah dengan mudah difahami:

“Benda-benda yang dicipta mempunyai permulaan dan pengakhiran, tetapi hal ini tidak sama dengan Pencipta. Jawapan kita kepada seorang anak yang bertanya, “Siapa mencipta Allah” ialah Allah tidak perlu dicipta, kerana Dia selalu ada, Dia wujud selama-lamanya, dan Dia selalu sama. Dia tidak

menjadi lebih tua, hidup-Nya tidak menjadi lebih lemah atau uzur, Dia tidak perlu memperoleh lebih kuasa, atau melucutnya. Dia tidak perlu menjadi lebih dewasa atau bertumbuh. Dia tidak perlu menjadi lebih kuat, atau lebih lemah, atau lebih bijaksana menurut edaran waktu. Dia tidak boleh bertukar untuk lebih baik kerana seperti A.W. Pink berkata, "Dia sudah sempurna, dan dalam kesempurnaannya, Dia tidak boleh berubah menjadi lebih buruk." Perbezaan yang utama dan asas antara Pencipta dan makhluk-makhluk-Nya ialah kita berubah dan sifat manusia memang menerima perubahan, sedangkan Allah tidak berubah dan tidak akan berhenti wujud seperti Diri-Nya."<sup>11</sup>

## **Permata-Permatanya**

### **A. Allah Tidak Berubah**

1. Allah bersabda bahawa Dia tidak berubah. "Bahawasanya Aku, TUHAN, tidak berubah, dan kamu, bani Yakub, tidak akan lenyap" (Mal 3:6).
2. Sifat Allah dan keberadaan-Nya tidak berubah. Allah berkata kepada Musa untuk memberitahu umat-Nya bahawa Dialah Allah yang sama untuk selamanya, dari generasi ke generasi:

“Selanjutnya berfirmanlah Allah kepada Musa: “Beginilah kaukatakan kepada orang Israel: TUHAN, Allah nenek moyangmu, Allah Abraham, Allah Ishak dan Allah Yakub, telah mengutus aku kepadamu: itulah nama-Ku untuk selama-lamanya dan itulah sebutan-Ku turun temurun” (Keluaran 3:15).

3. Di tengah-tengah perubahan zaman, manusia fasik bertukar seperti orang bertukar jubah, tetapi Allah yang meletakkan landasan dunia dan keindahan syurga tidak berubah. “Seperti jubah akan Engkau gulungkan mereka, dan seperti persalinan mereka akan diubah, tetapi Engkau tetap sama, dan tahun-tahun-Mu tidak berkesudahan” (Ibrani 1:12).
4. Bapa terang yang tidak pernah ada perubahan ataupun bayangan perubahan. “Setiap pemberian yang baik dan setiap anugerah yang sempurna, datangnya dari atas, diturunkan daripada Bapa segala terang; pada-Nya tidak ada perubahan atau bayangan kerana pertukaran” (Yakobus 1:17).
5. Tuhan Yesus yang telah mengorbankan nyawa-Nya sebagai korban dosa manusia hidup sebagai Pengantara manusia selama-lamanya:

“Sebab Imam Besar yang sedemikianlah yang kita perlukan: iaitu yang salih, tanpa salah, tanpa noda, yang terpisah daripada orang yang berdosa dan lebih tinggi daripada tingkat syurga, yang tidak sama seperti imam-iman yang setiap hari mempersembahkan korban untuk dosanya sendiri dan sesudah itu barulah untuk dosa umatnya, sebab hal itu telah dilakukannya sekali untuk selama-lamanya, ketika Dia mempersembahkan diri-Nya sendiri korban” (Ibrani 7:26-27).

6. Rancangan bagi setiap generasi tetap sama dan tidak berubah.”Tetapi rencana TUHAN tetap selama-lamanya, rancangan hati-Nya turun termurun” (Mazmur 33:11).
7. Semua bunga layu dan rumput menjadi kering, tetapi kebenaran Tuhan dalam firman-Nya bertahan selama-lamanya dan tidak berubah. “Rumput menjadi kering, bunga menjadi layu, tetapi firman Allah kita tetap untuk selama-lamanya”(Yesaya 40:8).
8. “Tuhan Yesus tidak pernah berubah; Dia tetap sama hari lepas, hari ini, dan selama-lamanya. Yesus Kristus tetap sama, baik kelmarin mahupun hari ini dan sampai selama-lamanya.” (Ibrani 13:8).

## **Allah Kita Kekal**

9. Sebelum dunia diciptakan dan gunung-ganang dibentuk, Allah sudah berkekalan. “Tuhan, Engkau-lah tempat perteduhan kami turun-temurun” (Mazmur 90:1).
10. Dengan Allah, sehari sama seperti seribu tahun, dan seribu tahun seperti sehari. “Akan tetapi, saudara-saudaraku yang kekasih, yang satu ini tidak boleh kamu lupakan, iaitu, bahawa di hadapan Tuhan satu hari sama seperti seribu tahun dan seribu tahun sama seperti satu hari” (2 Petrus 3:8).
11. Kuasa Allah dan sifat ilahi-Nya sudah kekal sebelum ciptaan diciptakan-Nya. “Sebab apa yang tidak nampak daripada-Nya, iaitu kekuatan-Nya yang kekal dan keilahian-Nya, dapat nampak kepada fikiran daripada karya-Nya sejak dunia diciptakan, sehingga mereka tidak dapat beralih” (Roma 1: 20).
12. Setelah raja Nebukadnezar dipulihkan daripada penghukuman yang menyebabkan dia menjadi seperti lembu yang makan rumput, tubuhnya basah kerana embun, dan rambutnya panjang seperti sayap rajawali, dia menyedari akan kuasa dan kekekalan kerajaan Allah:

“Tetapi setelah lewat waktu ditentukan, aku, Nebukadnezar, menegadah ke langit, dan akal budiku kembali lagi kepadaku. Lalu aku memuji yang Maha Tinggi dan membesarkan dan memuliakan Yang Hidup Kekal itu, kerana kekuasaan-Nya ialah kekuasaan kekal dan kerajaan-Nya turun-temurun” (Daniel 4:34-35).

### Soalan-Soalan

1. Jelaskan satu perbezaan besar antara manusia dan Allah yang kekal serta tidak berubah.
2. Mengapakah kita boleh mempercayai firman Allah? (Yesaya 40:8)
3. Mengapakah Tuhan Yesus boleh mempersembahkan korban sekali untuk selama-lamanya dan menjadi Pengantara kita? (Ibrani 7:25-27)



## PELAJARAN 9

---

# Apakah Ertinya Allah Maha Kuasa?

*“Kuasa Allah adalah seperti Diri-Nya Sendiri, terwujud sendiri dan menopang sendiri. Manusia yang paling berkuasa pun tidak dapat menokok tambah padanya bahkan tidak pun pada bayang Maha Kuasa. Dia bersemayam di takhta yang tidak bertiang, dan tidak bersandar pada senjata. Istananya tidak perlu diurus oleh pelayan dan Dia tidak perlu meminjam kemuliaan daripada makhluk-Nya. Dia sendiri pusat semua sumber dan Asal semua kuasa.”*  
(C.H. Spurgeon)

**A**llah yang Maha Kuasa ialah sifat yang memampukan-Nya melaksanakan segala sesuatu menurut kehendak-Nya. “Kuasa Allah tiada keterbatasan dan had. Sabda Allah mengenai keinginan-Nya ialah ikrar-Nya mengenai hal-hal yang ingin dilaksanakan. Adakah Dia sudah bersabda dan Dia tidak akan melaksanakan?”<sup>12</sup>

Kuasa Allah jauh berbeza daripada kuasa manusia yang hanya terbatas. Kuasa manusia terdiri daripada kemampuannya untuk menggunakan kuasa yang sedia ada untuknya. Kuasa Allah tiada terhad dan kreatif dalam ciptaan-Nya. “Atas perintahmukah rajawali terbang membubung, dan membuat sarangnya di tempat yang tinggi?” (Ayub 39:30).

Tentu anda pernah mendengar pertanyaan bertentangan seperti, “Bolehkah Allah mencipta satu batu yang begitu besar sehingga Dia tidak dapat mengangkatnya?” Pertanyaan ini hanya untuk manusia yang mampu mencipta sesuatu sehingga keberatan-Nya melampaui kekuatannya. Allah tidak akan melakukan sesuatu yang bercanggah dengan sifat-Nya atau kuasa-Nya yang tiada batas.

Pertanyaan seperti, “Bolehkah Allah mencipta satu benda yang bulat namun juga bersifat segi empat?” Hukum logik juga harus diingatkan sewaktu kita mengajukan pertanyaan tentang Allah, sekalipun logik-Nya tidak semestinya sejajar dengan pengertian manusia. Kuasa Allah tidak akan bercanggah dengan segala sifat-Nya yang lain.

### **Permata-Permatanya**

1. Setelah mata Ayub melihat Allah yang membentangkan kuasa ciptaan-Nya di alam, dia berkata sesungguhnya Allah dapat melaksanakan segala sesuatu dan tiada tujuan-Nya dapat dihalangi. “Aku tahu, bahawa Engkau sanggup melakukan segala sesuatu dan tidak ada rencana-Mu yang gagal” (Ayub 42:2).

2. Tiada sesuatu yang mustahil bagi Allah. Perjanjian Allah kepada Abraham tetap digenapi sewaktu dia dan Sarah sudah lanjut usia. “Adakah sesuatu apa pun yang mustahil untuk TUHAN? Pada waktu yang telah ditetapkan itu, tahun depan, Aku akan kembali mendapatkan engkau, pada waktu inilah Sara mempunyai seorang anak laki-laki” ( Kejadian 18:14).
3. Allah yang Maha Kuasa memberi hidup, nafas, dan segalanya kepada semua orang. “dan juga tidak dilayani oleh tangan manusia, seolah-olah Dia kekurangan apa-apa, kerana Dialah yang memberikan hidup dan nafas dan segala sesuatu kepada semua orang” ( Kisah Para Rasul 17:25).
4. Allah berkuasa memberi hidup dan membangkitkan sesiapa menurut kehendak-Nya. “Sebab sama seperti Bapa membangkitkan orang mati dan menghidupkan-nya, demikian juga Anak menghidupkan barang siapa yang dikehendaki-Nya” (Yohanes 5:21).
5. Kuasa Allah dapat dilihat dalam ciptaan-Nya, contohnya angin badai dan angin yang dapat ditenang-Nya. “Dia berfirman, maka dibangkitkan-Nya angin badai yang meninggikan gelombang-gelombangnya” (Mazmur 107:25).
6. Allah yang bertakhta di syurga berkuasa melakukan segala yang diinginkan-Nya, “Allah kita di syurga, Dia melakukan apa yang dikehendaki-Nya!” (Mazmur 115:3).

7. “TUHAN melakukan apa yang dikehendaki-Nya, di langit dan di bumi, di laut dan di segenap samudera raya” (Mazmur 135: 6).
8. Allah mampu melakukan apa-apa sahaja kerana Dia Pencipta. “Ah, Tuhan Allah! Sesungguhnya, Engkaulah yang telah menjadikan langit dan bumi dengan kekuatan-Mu yang besar dan dengan lengan-Mu yang terentang. Tiada suatu apa pun yang mustahil untuk-Mu!” (Yeremia 32:17).

### **Apa Yang Allah Tidak Dapat Lakukan?**

1. Allah tidak dapat melakukan perbuatan yang tidak bermoral seperti berbohong, menipu atau tidak berpegang pada perjanjian-perjanjian-Nya. Kuasa-Nya sejajar dengan kekudusan dan kebenaran-Nya, dan tidak boleh kurang daripada kesempurnaan. “Allah bukanlah manusia, sehingga Dia berdusta, bukan anak manusia sehingga Dia menyesal. Masakan Dia berfirman dan tidak melakukannya, dan berbicara dan tidak menepatinya?” (Bilangan 23:19)
2. Allah tidak melakukan perbuatan seperti makan, minum, mengikat tali kasut, berenang di kolam berenang atau membangun rumah panjang.

“Ketidakmampuan-Nya untuk melakukan semua ini hanya wujud dalam keadaan-Nya yang tidak dijelmakan, dan dalam keadaan ini, sebab Dia “tidak dapat” melakukan semua ini bukan disebabkan kelemahan-Nya, malahan sebaliknya kekuatan-Nya.”<sup>13</sup>

Namun Tuhan Yesus yang pernah dijelmakan pada zaman itu, dapat melakukan perbuatan manusia. Dia boleh membuat meja atau kerusi, minum dan pergi ke jamuan perkahwinan.

3. Allah tidak boleh mewujudkan Diri-Nya dalam berjutaan jenis dewa, atau menyerapkan ciptaan-Nya menjadi sebahagian Diri-Nya, katakan sebuah pokok atau ular kerana Allah hanya satu dan Esa. “Dengarlah, hai orang Israel: Tuhan itu Allah kita, TUHAN itu esa!” (Ulangan 6:4).

### **Soalan-Soalan**

1. Mengapakah Allah dapat melakukan segala sesuatu yang dikehendaki-Nya?
  
  
  
  
  
  
  
  
  
  
2. Mengapakah Abraham percaya bahawa Allah boleh memberinya zuriat sedangkan dia dan isterinya sudah lanjut usia? (Kejadian 17:4)
  
  
  
  
  
  
  
  
  
  
3. Bagaimanakah kuasa Allah dibuktikan dalam hidup manusia? (Kisah Para Rasul 17)

4. Jelaskan satu hal yang tidak dapat dilakukan oleh Allah yang bertentangan dengan kuasa-Nya.
  
5. Dapatkah Allah mewujudkan Diri-Nya dalam beribu dewa. Mengapakah?
  
6. Bagi raja Daud, Allah yang Maha Kuasa sungguh berarti dalam hidup-Nya. Cari tiga perkataan yang digunakan oleh raja Daud untuk menjelaskannya (Mazmur 28:1,7,8).
  
7. Sekalipun Allah melakukan mukjizat luarbiasa dengan kuasa-Nya, jelaskan sikap umat Tuhan terhadap kuasa dan kebaikan Tuhan. Bagaimanakah mereka harus bersikap sebenarnya? (Mazmur 78:12-38)

## PELAJARAN 10

---

---

# Apakah Ertinya Allah Maha Esa dan Maha Hadir?

*“Jenis Allah seperti ini harus disembah, dipuja dan dikasihi. Dia bersendiri dalam keagungan-Nya, unik dalam kecemerlangan-Nya, tiada tanding dalam kesempurnaan-Nya, Dia menopang segala sesuatu namun tidak bersandar pada semuanya. Dia memberi kepada semua namun tidak diperkayakan oleh sesiapa pun.” (C.H.Spurgeon)*

**D**alam doktrin Kristian, kedua-dua sifat ini wujud sejajar, Allah kita Maha Esa namun pada waktu yang sama Dia Maha Hadir. Dia Maha Esa dan tidak sama dengan ciptaan-Nya. Allah tidak dapat disamakan dengan ciptaan-Nya, contohnya kita tidak boleh menyem-

bah seekor gajah kerana ia bukan Allah yang Maha Esa. Kita tidak boleh menggantikan Allah yang Maha Esa, Maha Agung dan Maha Kuasa dengan manusia yang fana, burung-burung mahupun binatang-binatang. Kita tidak boleh menyamakan Allah dengan pokok besar lalu menyembah dan menyaji kari ayam kepada-Nya.

Sewaktu Yesaya melihat Allah yang Maha Kudus, dia juga menghayati sifat-Nya yang Maha Esa yang di luar batas kemampuan kita untuk membayangkannya. Allah yang Maha Agung dan Maha Esa digambarkannya sebagai ujung jubah-Nya memenuhi seluruh Bait Suci. “Dalam tahun matinya raja Uzia aku melihat Tuhan duduk di atas takhta yang tinggi dan menjulang, dan ujung jubah-Nya memenuhi Bait Suci” (Yesaya 6:1).

Pemazmur sedar akan Allah yang Maha Hadir, dan dia tidak dapat melepaskan diri daripada jangkauan dan kasih-Nya. Sekalipun dia berusaha terbang dengan sayap fajar dan membuat kediaman di lautan, Allah tetap mengambil berat akan dia. Kehadiran Allah dalam hidup anak-anak Allah merupakan suatu penghiburan sewaktu kita melalui perjalanan musafir di dunia. “Juga di sana tangan-Mu akan menuntun aku, dan tangan kanan-Mu memegangku” (Mazmur 139:10).

## **Permata-Permatanya**

1. Rasul Paulus dalam surat Romanya berkata, “Mereka menggantikan kemuliaan Allah yang tidak fana dengan gambaran yang mirip dengan manusia yang fana, burung-burung, binatang-binatang yang

berkaki empat atau binatang-binatang yang menjalar” (Roma 1:23). Kita tidak boleh mencipta sesuatu yang menyerupai ciptaan dan menyembahnya sebagai Allah kerana Dia Maha Esa dan menjulang tinggi daripada ciptaan-Nya.

2. Sewaktu rasul Paulus berkhotbah di gunung Mars, dia menjelaskan sifat Allah yang Maha Esa dengan teliti:

“Allah yang telah menjadikan bumi dan segala isinya, Dia, yang adalah Tuhan atas langit dan bumi, tidak diam dalam kuil-kuil buatan tangan manusia, dan juga tidak dilayani oleh tangan manusia, seolah-olah Dia kekurangan apa-apa, kerana Dialah yang memberikan hidup dan nafas dan segala sesuatu kepada semua orang. Daripada satu orang saja Dia telah menjadikan semua bangsa dan umat manusia untuk mendiami seluruh muka bumi dan Dia telah menentukan musim-musim bagi mereka dan batas-batas kediaman mereka, supaya mereka mencari Dia dan mudah-mudahan menjamah dan menemukan Dia, walaupun Dia tidak jauh daripada kita masing-masing. Sebab di dalam Dia kita hidup, kita bergerak, kita ada, seperti yang telah juga dikatakan pujangga-pujangga: Sebab kita ini daripada keturunan Allah juga. Kerana kita berasal daripada keturunan Allah, kita tidak boleh berfikir, bahawa keadaan ilahi seperti emas atau perak atau batu, ciptaan kesenian dan keahlian manusia” (Kisah Para Rasul 17-29).

3. Walaupun Allah kita Maha Esa, Pencipta alam dan juga Hakim yang adil, Dia bukan seperti pencipta jam yang menciptakan jam dan membiarkannya berjalan sendiri. Tetapi, pada waktu yang sama, Dia hadir dengan ciptaan-Nya, dan tidak pernah meninggalkan ciptaan-Nya dalam keadaan terdampar. “Ia ada terlebih dahulu dari segala sesuatu dan segala sesuatu ada di dalam Dia” (Kolose 1:17).
4. Allah hadir dengan umat-Nya, membimbing serta memberi mereka damai. “Lalu Dia berfirman: “Aku sendiri hendak membimbing engkau dan memberikan ketenteraman kepadamu” (Keluaran 33:14).
5. Allah secara khusus hadir dalam hati umat-Nya dan menolong kita menyelidiki hati dan fikiran kita. “Selidikilah aku, ya Allah, dan kenallah hatiku, ujilah aku dan kenallah fikiran-fikiranku” (Mazmur 139:23).
6. Dia mampu melindungi kita dari jalan yang tidak diperkenan-Nya kerana Dia Maha Tahu. “Lihatlah, apakah jalanku serong dan tuntunlah aku di jalan yang kekal!” (Mazmur 139:24).
7. Raja Daud memuji Allah yang Maha Agung dan melebihi segala-segalanya kerana Dia Maha Esa. “Ya TUHAN, punya-Mulah kebesaran dan kejayaan, kehormatan, kemasyhuran dan keagungan, ya, segala-segalanya yang ada di langit dan di bumi! Ya TUHAN, punya-Mulah kerajaan dan Engkau yang

tertinggi itu melebihi segala-galanya sebagai kepala” (1 Tawarikh 29:11).

- 8 Allah kita Maha Esa dan takhta-Nya menjulang tinggi dalam kemuliaan. “Dalam tahun matinya raja Uzia aku melihat Tuhan duduk di atas takhta yang tinggi dan menjulang, dan ujung jubah-Nya memenuhi Bait Suci” (Yesaya 6:1).
9. Allah jelas tidak boleh disamakan dengan ciptaan-Nya atau ciptaan dianggap sebahagian daripadanya. “Dia yang bertakhta di atas bulatan bumi yang penduduknya seperti belalang; Dia yang membentangkan langit seperti kain dan memasangnya seperti khemah kediaman” (Yesaya 40:22).
10. Dari sudut pandangan sifat-Nya yang Maha Esa, Maha Agung dan Maha Mulia, Dia memberi perintah kedua dalam Sepuluh Hukum. “Jangan membuat bagimu patung yang menyerupai apa pun yang ada di langit di atas, dan yang ada di bumi di bawah, atau yang ada di dalam air di bawah bumi” (Keluaran 20:4).
11. Allah yang Maha Agung ditinggikan, Allah yang mendiami di tempat yang tinggi dan juga bersama dengan orang yang rendah hati, bersemayam selamanya:



3. Bagaimanakah kehadiran Allah dalam hidup dan hati kita dapat menolong kita? (Mazmur 139:23-24)
  
4. Apakah yang selalu membuat Daud menyembah Allah dengan sungguh-sungguh walaupun dia raja dan mempunyai kerajaan? (1 Tawarikh 29:11)
  
5. Sekalipun Allah bersemayam di tempat tinggi, dengan jenis manusia apakah kehadiran-Nya menjadi nyata? (Yesaya 57:15)
  
6. Raja Daud mengakui bahawa Allah hadir di mana-mana. Sekalipun Raja Daud melarikan diri, Allah hadir di sana juga (Mazmur 139:7-10). Renungkan hal ini dan selidiki perkara apakah yang anda sembunyikan daripada Allah. Berikannya kepada Allah dan berdoa bagi diri sendiri.

# Bibliografi

---

---

1. Berkhof, Louis. Systematic Theology, Grand Rapids:Eerdmans, 1941.
2. Prime, Derek. Questions on The Christian Faith. England:Edward England Books.
3. Williamson C.I. The Westminster Shorter Catechism. New Jersey:P&R Publishing.
4. Berkhof, Louis. Systematic Theology, Grand Rapids:Eerdmans, 1941.
5. Hammond, T.C. & F. Wright, David. In Understanding Be Men. Leicester:IVP, 1968,
6. J.D. Douglas. New Bible Dictionary. Leicester:IVP, 1962.
7. J.C. Ryle, Holiness (Original)
8. Frame, John M. The Doctrine of God, Vol2. New Jersey:P&R Publishing, 2002.
9. Ibid
10. Packer, J.I. Knowing God. Sydney:Hodder & Stoughton, 1973.
11. Evans, Williams. The Great Doctrine of the Bible. Chicago: Moody Press
12. Frame, John M. The Doctrine of God. Vol 2. Leiceister:IVP, 2002.